

กะลาเทีย, เอฟโซ
หนังสือสองเล่มในคัมภีร์อินญิล

سورت کلاتیا
سورت ایفیسوس

بالیق درفد بهاس اصل
کفد بهاس ملايو لغة فتاني

- 2524 -

کلاتيا

سورت کيريمن هق توهن بري فولوس
توليس کفد فواق المسيح رنگري کلاتيا

باب 1 فولوس جاي سئورغ هق باوا تيته المسيح

- 1-2 اكو فولوس، دغن سوما اديق براديق هق دوق سگالي دغن اكو دسيني، توليس سورت ني کفد فواق ۲ المسيح رنگري کلاتيا. اكو ني باوا تيته المسيح، بوکن اصل ماءنسي اتوا کوء جالن ماءنسي لتق، دق! تافي کوء جالن عيسى المسيح دغن توهن باف، هق بري عيسى بفکيت هيديف کليق تو.
- 3 اكو مينتا توهن باف دغن ربتي کيت عيسى المسيح، چوچور رحمة دي اتس فواق مو، دغن سلامت سجهترا.
- 4 ربتي ني له هق قربان ديري انتوق طاعة کهندق توهن باف، نق فرهابيس دوسام کيت، فس نق بري کيت بوليہ سلامت درفد فرياغ هق جاهت ني.
- 5 سوغ فاتوتله نق فوجي کمليان توهن، بوات سلام ۲، امين.

خبر باءيك سا ساج تاءاد هق لاءين

- 6 اكو براس حيران ترهاف فواق مو! دالم ماس مڃوت فواق مو داتغ ۲ تيغگل توهن، هق فگکيل مو دغن کران رحمة

- 7 المسيح تو، فس مو کي توروٽ خبر هق کات باءِڪ، لائن فد انجيل. سوڳوه، تاءِ ار ده خبر باءِڪ هق لائن. تافي اڪو کات بالس ني، سبب ار اورغ ۲ هق ماري کاچو فواق مو، فس بي دوق کاچئ نق اوبه خبر يڄ باءِڪ چارا حال المسيح تو.
- 8 ولو اڪو سنديري ماري، اتوا ملائڪه دشرک فون، نق رويت خبر کات انجيل، تافي ايسي بي لائن فد انجيل هق اڪو ماري رويت دولو تو، جاديله مرک توهن دوق اتس بي.
- 9 هق اڪو بياس رويت دولو، اڪو نق فرايشت سڪالي لاڳي، يائيت کالو اورغ مان ۲ ماري رويت کا فواق مو خبر، هق کات باءِڪ، تافي ايسي بي لائن فد انجيل هق مو تريما ده دولو تو، جاديله مرک توهن دوق اتس بي!
- 10 دغن باچ هق اڪو توليس داتس ني، جاغن مو سڻک کات، اڪو نق بري ماءِ نسي فوجي کا اڪو. اتوا نق بري توهن فوجي کا اڪو، دق! فس جاغن مو سڻک کات اڪو نق بري ماءِ نسي برکنن کا اڪو. دق جوڳ! کالو اڪو دوق بوات بالس تو لاڳي، تنتو، اڪو تاءِ جاري همب هق کرج کا المسيح.

توهن هق فيليه فولوس بري باوا تيته المسيح

- 11 هي اديق براديق کو! اڪو نق رويت کا فواق مو بري چرف کات، خبر يڄ باءِڪ هق اڪو بياس ميمفي تو، بوکن هق ماءِ نسي کارغ سنديري، دق!
- 12 کران بوکن اڪو امبيق داورغ، بوکن اورغ اجر اڪو، دق، تافي عيسو المسيح سنديري توروٽ خبر تو، بري ماسوق هاتي کو.
- 13 فواق مو بياس دغر ده، کات، دولو اڪو دوق توروٽ اوگام ييهوي دغن راجين. فس اڪو دوق بوات پاڻ تروق هابيس ۲ چيکف، کا فواق المسيح هق جاني ميليق توهن دمان ۲ فون، اچي بوليه،

نق بري دي فونه .

- 14 دالم حال فځ اوکلم يهودي ، اکو ماجو لبيه فد کباپقن انق۲
مريد هق سفریښکت دغن اکو ، کران اکو براس گرم نق توروت
عاده ۲ تو۲ نينيق مويځ کيت ، اورغ يهودي .
- 15 تافي بلوم فد اورغ برانق کا اکو لاځي ، توهن تنجوق رحمة دي ،
دغن فيليه اکو ده ، بري دوق سوچي انتوق کرج دي .
- 16 فس بيلا توهن کهندق بري پات کا اکو ، انق دي يځ ساتو تو ،
دغن توجوان نق بري اکو کي رويت حال دي کا بغسا۲ لاین ،
- 17 فد ماس تو ، اکو تاءامبيق نصيحة داورغ ، اتوا کا جروسليم فون
نق مشورة دغن فواق هق باوا۲ تيته المسيح دولو فد اکو ، اکو
تاءار کي جوک . تافي اکو کي تروس کا نځري عرب ، فس تو کليق کا
- 18 بندر دمشيك فول . لفس تيگ تاهون ، بارو اکو کي کا کوت
جروسليم ، انتوق نق کنل دغن فيتروس . فس اکو دوق دغن دي
دوا ميځکو ساج .
- 19 دسيتو اکو تاء برجومفاء دغن اورغ لاین دالم فواق هق باوا۲ تيته
المسيح تو ، ملينکن يعقوب سئورغ ، هق جاري اديق ربّي .
- 20 دغن نام توهن اکو تاء بوهورغ . هق اکو توليس ني بنر بلاک .
- 21 لفس فد تو اکو کي ماسوق دالم کليواسن نځري سيريا دغن کيليکيا .
- 22 فد ماس تو ، اورغ۲ فواق المسيح دسرات نځري يهوديه تو ، تاء
کنل اکو موک سام موک .
- 23 تافي دي بوپي کابر اورغ رويت کات : اورغ هق بوات پان کا
کيت دولو تو ، لاني دي دوق رويت خبر باليق ايمان کيت ،
هق دولو دي کاچغ نق بري فونه !
- 24 فس دغن سابيت دغر چارا حال اکو تو ، دي فوجي کا توهن .

فولوس رويت حال کي زياره کتوا۲ دجروسليم

باب 2

1 لفس فد تو امفت بلس تاهون ، بارو اکو کي کا جروسليم فول ،

- دغن برنابس. تيتوس فون اكو باواء ڪي جوگ.
- 2 اڪو ڪي تو، دغن سابيت توهن بري پات ڪا اڪو کات، ڪنا ڪي. فس اڪو ڪي تمو سام سفواق سنديري دغن فواق ڪتوا هق ار نام، رويت ڪا ڊي لفس سا ۲، بالس مان ايسي خبريغ باءِ ڪ هق اڪو ميمفي ڪا اورغ بفسا لاءِ ۲، ڪران تاءِ سير بري سموا ڪرج هق اڪو دوق بوات تو، جاني تاءِ ترفاڪي ساج.
- 3 فس تيتوس، ساءِ ڪي ڪو هق ڪي سڪالي دغن اڪو هاري تو، ولو ڊي اورغ بفسا ڪريڪ هق تاءِ برسونت فون، تافي فواق تو تاءِ فقسا تيتوس بري سونت.
- 4 ار جوگ هق نق فقسا ڊي. دالم فواق هق فراچوم تو، ار سفواق بوات سروف اڊيڪ براديڪ، مپليت ماسوق جاري مات ۲ نق تاهو بالس مان فواق ڪيت بولييه لفس ده، ڪوءِ جالن عيسيٰ المسيح، ڊرڊ اتوران هق کات، ڪالو نق سلامت، ڪنا برسونه. فس ڊي نق فقسا ڪيت، سوروه ڪليڪ توروت جالن برسونت تو فول. تافي اڪو تاءِ هوندور ستافق فون، ڪران نق بري بولييه فيرا خبر باءِ ڪ هق بنر تو، انتوق فواق مو.
- 5 فس فواق هق اورغ تريما جاني ڪتوا تو، تاءِ ار ده هق ڊي نق تمبه سوروه اڪو بوات. اڪو سبوت کات: هق اورغ تريما ساءِ ڊي، سبب توهن تاءِ تيغوق ڪا فريغڪت اورغ کات تيغڪي رنده، ڪتوا اتوا دق.
- 6 تافي سسوغڪوهن، فواق تو مفاڪو کات توهن سره ده ڪا اڪو ڪرج ميمفي خبريغ ياءِ ڪ ڪا اورغ بفسا لاءِ ۲، سروف ڊي سره ده ڪا فيتروس ڊولو، ڪرج ميمفي خبر تو ڪا اورغ بفسا يهوي. ڪران دغن ڪواس توهن هق تولا، اڪو بولييه باواءِ تيته ڊي ڪي ڪا اورغ بفسا لاءِ ۲، سروف فيتروس بولييه باواءِ تيته توهن ڪي ڪا اورغ بفسا يهوي.
- 7 ڪرج ميمفي خبريغ ياءِ ڪ ڪا اورغ بفسا لاءِ ۲، سروف ڊي سره ده ڪا فيتروس ڊولو، ڪرج ميمفي خبر تو ڪا اورغ بفسا يهوي. ڪران دغن ڪواس توهن هق تولا، اڪو بولييه باواءِ تيته ڊي ڪي ڪا اورغ بفسا لاءِ ۲، سروف فيتروس بولييه باواءِ تيته توهن ڪي ڪا اورغ بفسا يهوي.
- 8 توهن ڪي ڪا اورغ بفسا يهوي.
- 9 يعقوب، فيتروس دغن يحياءِ، ڊي هق اورغ تريما جاري ڪتوا

فواق تو، مڱاڪوڪات، توهنله هق سره ڪڙج هق فنتيڻ ني ڪا اڪو. سابيت تو، ڀي ماري جابت تاڻن برنابس دڻن اڪو، جايي تنڊاڪات ڪيت سموا ڪڙج سلوروڻ، تافي برنابس دوا اڪو نق ڪڙج رنگري ۲ اورڻ بڱسا لائين، فس ڀي فول نق ڪڙج رنگري اورڻ بڱسا يهودي.

10 اڌ سڪارا ساڄ هق ڀي مينٽا، ڀايت نق بري اڪو ايڻت ڪا اورڻ ۲ مسڪين دالم فواق ڀي. فس جايي سڪارا ني له هق اڪو ڪاڇن نق بوات سعمور.

فولوس تڱه فيٽروس ڊبندر انٽيوخ

11 تافي لفس فد تو فول، بيلا فيٽروس ڪي ڪا بندر انٽيوخ، اڪو فولوس لاون دڻن ڀي دافن اورڻ رامي، سبب اڪو تاهو تنٽوڪات ڀي ساله.

12 جايي بالس ني. ڊولو فيٽروس ماڪن سميجا دڻن اورڻ بڱسا لائين ۲ تافي بيلا اورڻ ۲ بڱسا يهودي، هق يعقوب سوروه ڪي تو، سمفي ڪا بندر انٽيوخ، فيٽروس هوندور ڪي دوق سوڪو فد اورڻ بڱسا لائين، سبب ڀي بيمڱ تاڪوت ڪا قوم تو هق ڪات، ڪالو نق سلامت ڪنا برسونت ڊولو.

13 فس دڻن سابيت فيٽروس بوات بالس تو، باڀق اورڻ بڱسا يهودي فون بيمڱ سروف ڀي، سهيڱڱ سمفي برنابس فون، بيمڱ سروف فيٽروس جوڱ.

14 بيلا اڪو نمفڪ ڪات هق ڀي بوات تو برگڊس دڻن هق بنر خبر يڱ بائڪ تو، اڪو فون رويت ڪا فيٽروس دافن اورڻ رامي سموا تو، ڪات: ولو مو جايي بڱسا يهودي فون، تافي مو بولي ه دوق هيڊوف سروف اورڻ بڱسا لائين. بالس مان فول، مو بولي ه تڪن اورڻ بڱسا لائين بري دوق سروف اورڻ بڱسا يهودي؟ تاء جاي!

ار سجالن ساج هق بوليه سلامت

- 15 سوڱوڤه فون ، فواق اكو ني برانق جاري بغسا يهوي
تاه سروف دغن اورغ بغسا لائين ۲ هق لوار اوگام ، فس سابيت
تو اورغ کات دي بردوسا.
- 16 تافي کيت تاهو ده کات ، کوء جالن فرچاي کا عيسى المسيح
ساج ، کيت تاه ساله د فنداغن توهن . بوکن کوء جالن تورات
اتوران ۲ دالم تورات . فس فواق اكو ، بغسا يهوي فون ، بالس
تو جوگ . کوء جالن فرچاي کا عيسى المسيح ساج ، توهن
کات اكو تاه ساله ده . بوکن دغن تورات اتوران ۲ دالم تورات
تو . کران تاه ار سئورغ هابوق هق توهن کات تاه ساله کران
دي تورات اتوران ۲ تو.
- 17 سابيت تو ، اكو دوق چاري نق بري توهن کات ، اكو تاه ساله ده ،
کوء جالن دوق سهاتي سپاوا دغن عيسى المسيح ، فس جالن
تو بري پات کات ، اكو فواق يهوي فون اورغ بردوسا جوگ .
کالو بالس تو ، بوليه کا بق اکو کات ، المسيح هق اجق اكو
بوات دوسا؟ تنتو تاه ليه !
- 18 کالو اكو اغکيت سمولا ، جالن تورات اتوران ۲ دالم تورات هق
اكو بري رونتوه دولو تو ، کات جالن تو انتوق سلامت ، هق
اكو بوات تو بري پات کات اكو بوات دوسا .
- 19 تنتغ دغن حکوم ۲ تورات ، سروف اكو ماتي هرافن کات ، بوليه
جاري باء يک کوء جالن تورات تو ، فالیغ نق بوليه هيدوف
انتوق توهن سکالي دغن المسيح .
- 20 اكو ني کنا حکوم بونوه سکالي دغن المسيح ، تکه دي ماتي
دکايو امفت چايغ . معنائ اكو دوق هيدوف لاني ، بوکن دغن
کواس کو سنديري ، نق . تافي دغن کواس المسيح ، هق هيدوف
دالم ديري کو . هيدوف کو لاني برگنتوغ سمات ۲ کا انق توهن

هق کاسيه کا اڳو سهيڱڻ قربان ڏيري ڏي ڪنٿي ڪو.
 21 اڪو ني تاءُ تولق رحمة توهن تو. اورغ هق سڻڪ کات ڏي
 تاءُ ساله دفنداغن توهن، دغن ڪران ڏي توروٽ اتوران ۲ دالم
 تورات، معنائن ڏي ڪيرا کات عيسى المسيح ماتي فري ۲ ساج.

باب 3 هق مان نق توروٽ، جالن تورات اتوا جالن فرچاي؟

- 1 اوه فواق کلاتيا ني، بودوه سوڻگوه! سياف هق ڪوسيق
 مو بري ڪيلا توروٽ ڏي؟ ايڻتله! عيسى المسيح ڪنا بونوه
 رڪايو امفت چايغ تو. هق ني، اورغ هورائي دافن مات فواق
 مو، جلس بلاڪ ده.
- 2 جوابله سڪارا! مو تريما رحمة توهن دولو تو، لاڳو مان؟ ڪو؟
 جالن توروٽ اتوران ۲ دالم تورات ڪه؟ اتوا ڪو؟ جالن دغر خبر
 يڻ بآيڪ، فس فرچاي؟ تنٽو ڪو؟ جالن فرچاي!
- 3 بودوه سوڻگوه، فواق مو! جالن فرچاي تو مو ماسبوق دغن روح
 توهن. فس لاني، مو نق بري سور جالن دغن توروٽ اتوران ۲
 هق مو سنڊيري ڪه؟
- 4 بآف فرڪارا ۲ بسر هق جاني ڪا فواق مو دولو، تاءُ بولييه حاصل
 اف سڪارا؟ جاغذله بري روڳي سموا تو!
- 5 فس، اڪو نق تان سڪارا لاڳي. جالن مان توهن توروٽ روح ڏي
 بري بولييه بوات فرڪارا ۲ عجائب دالم فواق مو؟ ڪو؟ جالن
 توروٽ اتوران ۲ دالم تورات ڪه، اتوا ڪو؟ جالن دغر خبر يڻ بآيڪ
 تو، فس فرچاي؟ تنٽو ڪو؟ جالن فرچاي.
- 6 ايڻت ڪا نبي ابراهيم فول، هق ڪيت دوق باچ دالم ڪتاب کات:

ابراهيم فرچاي ڪا توهن. سابيت نيله، توهن حڪوم
 کات ڏي تاءُ ساله اف ۲.

- 7 دغن ايات نیله ، مو بولیه سدرکات ، اورغ ۲ هق جانی کتورونن ابراهیم هق سجاتی ، دیاله اورغ هق توروت جالن فرچای سروف
- 8 یی. کتاب رویت ده دولوکات ، توهن نق کات اورغ بغسا لاین تاء ساله دفتداغن یی ، کالو اورغ بغسا لاین تو فرچای . سابیت تو ، بلوم فد سمفی ماس لاگی ، کتاب بری تاهوده کا نبی ابراهیم خبر یغ بایک ، دالم ایات هق کات :

کوئ جالن مو ، ابراهیم ، توهن نق بری مائسی سموا
بغسا ، براونتوغ .

- 9 ابراهیم فرچای ، فس یی فون برانتوغ . بالس تو ، سموا اورغ هق فرچای سروف ابراهیم نق بولیه براونتوغ جوگ .
- 10 اورغ هق برکنتوغ فد توروت اتوران ۲ دالم تورات ، کات نق بولیه سلامت کوئ جالن تو ، یی دوق باوه مرک توهن . کران ار ایات دالم کتاب هق کات :

اورغ هق تاء بوات توروت دغن هالوس هالوسی ، سموا
حکوم ۲ دالم تورات ، یی دوق باوه مرک توهن .

- 11 لانی کیت بولیه تاهو چرف کات ، دفتداغن توهن تاء ار سئورغ هابوق هق توهن بولیه کات تاء ساله ، دغن کران یی توروت اتوران ۲ دالم تورات . کران ار ایات هق کات :

اورغ هق توهن کات تاء ساله ، دغن کران اورغ تو
فرچای ، دیاله ساج هق توهن بری هیدوف چارا بارو .

- 12 تافی جالن توروت اتوران ۲ دالم تورات سائی تو ، تاء کنا کان دغن جالن فرچای . سروف ایات دالم کتاب تورات کات :

اورغ هق بوات توروت سموا حکوم دالم تورات دغن سمفرن ،
دیاله ساج هق بولیه هیدوف چارا بارو کوئ جالن تو .

13 المسيح بياس دوق باوه مرك توهن گنتي کيت، کران اد ايات
دالم کتاب هق کات:

سياف هق کنا گنتوږ دکايو، تندا کات اورږ تو دوق
باوه مرك توهن.

بالس تو، المسيح بري کيت لفس درفد مرك توهن، هق دوق
اتس اورږ هق تاءتوروت حکوم ۲ دالم تورات دغن سمفرن.
14 توجوان سموا تو، نق بري فرکارا هق توهن جنجي کا ابراهيم
دولو، بوليه تورون کا اورږ بغسا لاءين ۲ جوگ، ياءيت نق
بري کيت بوليه تريما روح هق توهن جنجي تو، کوء جالن
فرچاي کا عيسی المسيح.

تورات تاءار بري ليسوس فرجنجين توهن

15 هي ادیق برادیق! ننټي اکو بوات چنتوه هاري ۲ بري کا
فواق مو. بيلا روا اورږ ستوجو اتس ساتو فرکارا، فس بوات
سورت جامين دافن سقسقي، تاءار سئورږ هابوق بوليه لارږ
هق جنجي تو، اتوا تمبه فون.

16 فس دغن ابراهيم فول، توهن لتق جنجي دغن ابراهيم، فس
دغن سئورږ کتورونن يي جوگ. کتاب تاء کات توهن جنجي
کا کتورونن ۲ ابراهيم، معنائ بايق اورږ. دق! تافي کتاب کات
توهن جنجي کا سئورږ کتورونن ابراهيم، ياءيت المسيح.

17 مقصود کو بالس ني. توهن لتق جنجي اتس ساتو فرکارا دغن
ابراهيم، فس جامين نق بري فنوه فرجنجين تو. لفس تو،
امفت راتوس تيگ فولوه تاهون فول، بارو توهن تورون کتاب
تورات. فس تورات تو تاءليه لارږ اتوا بري ليسوس فرجنجين
توهن هق تورون دولو تو.

18 کالو فرکارا هق توهن جنجي نق بري کا کيت، کنا برسغکوت

فءوت فد تورات ، معنائ دي تاء برسغكوت فد فرجنجين توهن . تافي هق توهن كات نق بري كا ابراهيم دولو تو ، برسغكوت فءوت ده دغن فرجنجين دي .

اف فائده تورات تو؟

- 19 كالو بالس تو ، اف فائده تورات تو؟ توهن تورو تورات بري بوليه تنجوق كات ، هق مان كيت ساله . فس بوليه فاكې سهيڅگ ڪتورونن ابراهيم سئورغ تو تورو ماري . دي نق تريما فركارا هق توهن جنجي كا ابراهيم . تورات تو بري كا تاغن ملائكة ۲ ، سمفي كا اورغ تغه دولو ، باروله سمفي كا ماء نسي .
- 20 تافي دغن فرجنجين تو ، لائن . تاء ڪنا ار اورغ تغه ، ڪران توهن سا ساج هق جنجي .
- 21 بڻڪالي ار اورغ هق ارتي كات ، حكوم ۲ دالم تورات برلاون دغن فرجنجين توهن تو . دق سڪالي ! كالو ار حكوم ۲ هق اورغ بوليه تورو انتوق هيدوف چارا بارو ، تنتو توهن نق كات ماء نسي تاء ساله دفنداغن دي ، دغن سابيت تورو جالن حكوم ۲ تو .
- 22 تافي بوكن بالس تو . ڪتاب كات ، تاء ار ده هق تاء ساله . ماء نسي سموا ڪنا ايڪت دوسا . بالس نيلاه ، هق توهن جنجي نق بري بوليه كا اورغ ، ڪنا برسغكوت فءوت فد ايمان هق تومغ كا عيسى المسيح . فس ، توهن نق بري كا اورغ هق فرچاي بالس تو ساج .
- 23 بلوم فد ار جالن فرچاي بالس تو ، كيت دوق ايڪت ڪوروغ باوه ڪواس حكوم ۲ تورات ، ننتي هيڱ سمفي جالن فرچاي تو بري
- 24 پات . حكوم ۲ تورات تو فون دوق مفاسوه كيت ، هيڱ سمفي المسيح ماري نون ، نق بري كيت تاء ساله ده دفنداغن توهن ، ڪو جالن فرچاي كا المسيح تو .
- 25 لاني ، ماس ار جالن فرچاي تو سمفي ده ، فس حكوم ۲ تورات

ٽاء مڦاسوه ڪيت ده .

- 26 دغن جالن فرچاي توله فواق مو بڦسا مان ۲ فون جايي انق ۲ توهن، ڪران مو دوق ده سهاتي سپاوا دغن عيسيٰ المسيح.
- 27 فواق مو هق تريما ده روكون مندي، دوق سهاتي سپاوا دغن دي. فس سابيت تو، توهن نمفق سروف مو دوق دالم ساروغ المسيح.
- 28 لاني ٽاء ار ده اف ۲ هق بري سوکو اورغ يهويي دغن اورغ بڦسا لامين، اتوا اورغ فريڱت جايي همب دغن اورغ ٽاء جايي همب، اتوا اورغ جنتن دغن اورغ بتينا فون. فواق مو سما ماسوق جايي ساتو، ڪران مو دوق سهاتي سپاوا دغن عيسيٰ المسيح.
- 29 اورغ هق جايي ميليٰ المسيح، معنان دي جايي ڪتورونن ابراهيم هق سجاتي. ديال هق نق بولي ه تريما اف ۲ هق توهن جنجي ڪا ابراهيم.

انق ۲ توهن

باب 4

- 1 ننٽي اڪو نق بنديڱ ڪي لاڳي. ميسل سئورغ بوق نق بولي ه فريڱت دغن هرت هق باف دي ڪو دافن. سوڱوه فون دي نق تريما بلاڪ، تافي تڪه بوق تو مورا لاڳي، فق دي بوات ڪا دي سروف اورغ هق جايي همب ساج.
- 2 دي ڪنا دوق باوه ڪواس اورغ ۲ هق مڦاسوه اتوا دوق جاڳ هرت دي، سهيڱ سمفي هاري هق فق دي منتوده نق بري فرڪارا ۲ تو ڪا دي، بارو نق بولي ه.
- 3 بالس تو جوڳ، بلوم فد فيڪيران ڪيت ماسق، چارا حال جالن فرچاي تو، ڪيت فون جايي همب ۲ هق ڪا تورو اتوران ۲ فيشين اتس دنيا.
- 4 تافي بيلا سمفي ماس هق توهن منتوده دولو، دي هنتر انق دي سنديري بري برانق داورغ بتينا، فس انق دي تو دوق
- 5 باوه فرينته حڪوم ۲ تورات، انتوق بري لفس اورغ ۲ هق دوق

6 باوه فرينته حڪوم تورات تو، نق بري ڪيت بوليہ توبيت ڪي جاري انق ۲ توهن. تنڊا کات ڪيت جاري انق ۲ توهن تو، توهن هنتر روح انق يڻ ساتو هق دي، ماسوق دالم هاتي ڪيت. فس جاري روح نيله هق برسرو ڪا توهن، کات: اٻا! معنائ يا باف!

7 توهن نيله هق بري مو جاري انق، تاء ڪنا همب ده. فس ڪران فواق مو ني جاري انق ۲ دي، توهن نق بري ڪفد مو سموا هق ني جنجي ده انتوق انق ۲ دي.

فولوس دوق بيمڻ ترهادف فواق المسيح رگلاتيا

8 دولو مو تاء ڪنل توهن. سابيت تو، مو ڪي سمبه ڪا بارغ ۲

9 کات توهن. تافي لاني مو مڱاڪو ده ڪا توهن هق سبئر، اتوا موليق لاڳي، اڪو کات، توهن مڱاڪو ده ڪا فواق مو. ڪالو بالس تو، باء اف مو نق ڪي جاري همب فول، دغن تورت اتوران فيمحين اتس دنيا، هق تاء ار ڪواس نق تولوغ مو، فس تاء ليه بري اف ۲ فون؟

10 باء اف مو دوق ايغت ڪا هاري، بولن، فرياغ راي اتوا تاهون فون

11 کات فيسيد نق بوات فها؟ اڪو براس بيمڻ، نمفق سروف تاء ار حاصل، هق اڪو بوات دالم فواق مو.

12 هي اديق براديق ڪو! اڪو مينتاء فواق مو جوڳ ۲، مو دوقله،

سروف اڪو، ڪران اڪو فون بياس دوق سروف فواق مو. دولو تو

13 مو تاء بياس بوات ساله ڪا اڪو. مو بوليہ ايغت، بوڪن، بالس

مان دولو تو، اڪو ار فلواغ بوليہ رويت خبريغ باء ڪ ڪا فواق مو، ڪران اڪو ساڪيت.

14 فد ماس تو، فپاڪيت ڪو جاري سروف فنچوپاءن تروق ڪا فواق مو،

تافي مو تاء هينا، تاء ڪويس اڪو، دق! مو سمبوت اڪو، سروف

سمبوت ملائڪه، سروف جوڳ سمبوت عيسي المسيح سنديري!

- 15 فس لاني، هيلغ کي کامان، فراسائن سوک لهاتي مو تو؟ اکو
 تاهو کات، تکه تو، اچي بوليه، مات فون مو نق چوليک بري
- 16 کا اکو. فس لاني فول، سوغ که، مو نق بوات اکو جادي سترو
 مو، سبب اکو رويت فرکارا سوغکوه کفد مو؟ دق!
- 17 اورغ ۲ هق بوات کاچو تو، ماري تنجوق باءيک کا فواق مو، تافي
 نيات هاتي دي تاء باءيک. توجوان دي نق بري فواق مو ترفچت
 دغن اکو، انتوق نق کاءوت بري جادي کاسيه کا دي.
- 18 موليقله، اورغ تنجوق باءيک کا فواق مو بيلا ۲ فون، اصل توجوان
 هاتي دي باءيک جوگ، بوکن کات تکه اکو دوق ار دغن فواق مو
 ساج، اورغ بوليه تنجوق باءيک کا مو، دق!
- 19 هي انق ۲ کو هق اکو کاسيه! اکو براس سوسه هاتي کران فواق
 مو، تروق سروف اورغ بتينا ساکيت نق برانق، سهيفگ فراغي
 المسيح توبيت دالم ډيري مو.
- 20 فراسائن هاتي کو بسر سوغکوه، اچي بوليه، نق دوق سام فواق
 مو لاني جوگ، بري بوليه کيچيک دغن مو، تاء کنا توليس.
 کران اکو تاء اره نق گامق ده، ترهاف مو!

فولوس امبيق روا اورغ بتينا هق دولو بوات چنتوه

- 21 هي اورغ ۲ دالم فواق مو، هق براس نق توروت سمولا اتوران ۲
 دالم تورات انتوق سلامت، دغرله هق مان ار دالم تورات تو!
- 22 کات بالس ني. ابراهيم ار انق روا اورغ، سئورغ هق ني بوليه
 دغن اورغ بتينا هق جاني همب، ياءيت هاجر. سئورغ لاگي
 بوليه دغن اورغ بتينا هق تاء بيلاس جاني همب، ياءيت ساره.
- 23 انق هق ابراهيم بوليه دغن اورغ بتينا همب تو، برانق کو
 جالن هق تمار. تافي انق هق دي بوليه دغن اورغ بتينا هق
 تاء جاني همب تو، برانق کو جالن هق توهن جنجي تو. هق
- 24 ني جاني چنتوه، کيت بوليه فرهاتي تيغوق. کيت بوليه بنديغ

دوا اورغ بتينا ساءني، جاني دوا جالن توهن برهوبوغ دغن
ماءنسي. يڄ ساتو تو، هاجر، هق جادي همب. فس انق ۲ ري
فون برانق نق جادي همب جوگ. ري جادي چنتوه، فرهوبوغن
توهن دغن ماءنسي دبوکيت طور سينا، تکه توهن تورون حکوم ۲
کا نبي موسی تو.

25 هاجر تو، کيت بوليه بنديغ سروف بوکيت طور سينا، دنگري
اورغ عرب. فس بوليه کات جوگ، ري سروف دغن کوت
جروسليم دغن رعيت ۲ ري لاني، کران ري دغن انق ۲ ري سما
دوق جادي همب لاگي.

26 تافي مق فواق اکوفون، دياله ساره هق تاء بياس جادي همب،
هق بوليه بنديغ دغن کوت جروسليم دشرگ.

27 کران ار ايات دالم کتاب، هق رويت حال ۲ ني کات:

هي اورغ بتينا هق مندول، گالقله کران سوک هاتي!
هي اورغ بتينا هق تاء بياس برانق، مناءوغلہ! کران
سرنق! سبب اورغ بتينا هق کنا تيغگل، انق ۲ ري
نق ار بايق فد اورغ هق ار لاگي.

28 ايغتلہ، اديق براديق کو! فواق مو جادي انق ۲ توهن کو جالن
فرجنجين، سروف اسحاق، انق ساره تو.

29 تکه دولو تو، بوق هق برانق کو جالن تمادر تو، بوات پان
کا ري هق برانق دغن کواس روح توهن. فس بالس تو جوگ
لاني فون. تافي ايغتلہ کا ايات دالم کتاب هق کات:

30 همبتله اورغ بتينا هق جادي همب، سکالي دغن انق ري!
کران تاء سوغ فاتوت انق همب تو، نق بوليه سگيان هرت
باف ري، سروف انق اورغ بتينا هق تاء بياس جادي همب.

31 هي اديق براديق کو! کيت ني بوکن انق ۲ اورغ بتينا هق جادي

همب، تافي انق ۲ اورغ بتينا هق تاء جاي همب تو.

باب 5 مو کنا دوق سروف اورغ هق بوليه لفس ده

- 1 کيت لاني بوليه لفس ده، سبب المسيح بري کيت لفس. سابيت تو، کنا برديري تگفله، سروف اورغ هق بوليه لفس ده. فس جاغن ماسوق فول، دوق باوه فرينته اتوران هق بري مو جاي همب تو.
- 2 دغرله بري باءيك ۲! اکو فولوس کات، کالو مو برسونت جاي تندا کات سلامت، معنائن مو تاءليه ماکن جاس المسيح تو.
- 3 اکو نق فرايغت کا فواق مو سکالي لاکي، بري چرف کات، اورغ مان هق برسونت بالس تو، واجب کنا توروټ سموا حکوم ۲ دالم تورات، دغن هالوسي، بارو نق بوليه سلامت.
- 4 کالو مو سغک کات مو تاءساله ده دنداغن توهن کران مو کاچغ توروټ حکوم ۲ تورات، معنا فرهوبوغن مو دغن المسيح تو، فوتوس ده. مو دوق جائوه فد رحمة توهن تو.
- 5 تافي کيت، دغن کواس روح توهن، دوق ننټي نق بوليه هرافن کيت، ياءيت توهن نق کات کيت تاءساله دنداغن بي، دغن سابيت کيت فرچاي.
- 6 کران، افبيل کيت دوق ساتوهاتي دغن المسيح، برسونت اتوا تاء برسونت فون تاءکيرا. هق مستحق، ياءيت جالن فرچاي، هق تنجوق کو کاسيه.
- 7 دولو، فواق مو دوق توروټ جالن فرچاي دغن موليق. سياف ماري سکت، تاءسير بري مو توروټ هق بئر تو؟ تنټو بي هق ماري راي مو بالس تو، بوکن توهن، هق دوق فغکيل موسوره توروټ دي.
- 9 ايغټله! اييو تفوغ سيکيت فون، بري کمبغ هابيس، ستوغکول تفوغ هق بسر.

- 10 تافي کران کيت دوق سهاتي سپاوا دغن المسيح مو اکو ، اکو بوليہ هارف کا فواق مو کات ، مو نق ستوجو دغن اکو حال ۲ني، فس اورغ هق ماري کاچو مو تو ، فريغکت ري ستارا مان فون، ري نق کنا حکوم رتوهن جوگ.
- 11 هي اديق براديق کو! کالو سوغکوه سروف اورغ کات ، اکو دوق برشرح کات ، اورغ هق فرچاي تو واجب کنا برسونت کاتيق، باء اف اورغ دوق بوات پاڻ کا اکو لاکي؟ کالو بنر، معنائ هق اکو برشرح حال المسيح کنا حکوم رکايو امفت چابغ تو، تاء بري اورغ سنتوق اف ۲ فون.
- 12 اورغ هق بري مو سرابوت، کات مو کنا برسونت تو ، موليق ري کي فوتوغ توبوه ري سنديري، بري تاء ار بنيہ !
- 13 هي اديق براديق کو! توهن فغکيل فواق مو ، سوروه دوق سروف اورغ هق بوليہ لفس ده. تافي هق مو بوليہ لفس تو ، مو کنا جاگ باء يک ۲ له! تاکوت نق بري فلواغ کا فواق مو فالينغ توروت هوا نفسو مو سکالي لاکي. موليقله مو دوق فادول مو اکو دغن تنجوق کاسيه .
- 14 کران ايسي سموا حکوم ۲ دالم تورات ، سلوروغ تولا دغن حکوم هق کات:

مو کنا کاسيه سام ۲ ماء نسي ، سروف مو کاسيه
کا ديري مو سنديري .

- 15 تافي کالو مو بوات بيغکيغ سروف بناتغ، بري ساکيت هاتي سام سنديري ، ننتي مو نق بري فونه هابيس، فراغي موليق مو اکو دالم فواق مو .

فرينته هوا نفسو لاءين فد فرينته روح توهن

- 16 مقصود کو بالس ني. بريله روح توهن فيمفين مو ، تکه دوق

- هيدوف لاني. بالس توله، هوا نفسو مو تاءليه بغه ناءيك.
- 17 کران اغن ۲ هوا نفسو مائسي جايي سترو دغن اغن ۲ روح توهن. کدوان دوق لاون کي ماري سعمور. سابيت توله، هق کيت دوق کهندق نق بوات موليق تو، تاءليه، سبب دوا بله دوق تينديه.
- 18 تافي اورغ هق بري روح توهن، فيمفين دي، تورات تاءار کواس نق بوليه حکوم دي کات ساله.
- 19 بوليه پات، اورغ هق توروت هوا نفسو دي دغن فرکارا هق دي بوات، بوليت بوات زناء، بوات چافوغ، بوات هق تاءسوغ فاتوت دغن تاءمالو اف ۲.
- 20 دي سمبه کا برهالا، دي فاکي علمو بومور هنتو، دي براهي جادي سترو دغن اورغ، سوک کلاهي باله. دي چمورو، موده موريه، دي دوق چاري هق دي نق سمات. دي سوک فچه بله دغن جادي فواق ۲. دي دوق بردغکي، دي ماکن ارق سهيغک
- 21 مابوق، دي کي برسائين دغن اورغ هق دوق توروت نفسو دي، فس فرکارا ۲ لائين سرروف تو جوگ. اکو رویت ده کا فواق مو فس لاني اکو نق فرايغت سکالي لاگي کات، اورغ هق تبیغ بوات سرروف سبوت سائي، تاءليه سيکيت هابوق، فرکارا ۲ هق توهن جنجي کا اورغ هق دوق دالم فرينته دي راحيره.
- 22 تافي بيلا روح توهن دوق مرينته دالم هاتي اورغ، ار حاصلن موليق، ياءيت فراغي کاسيه، فراسان سوک ریا، دوق سنغ هاتي، بوليه صبر، کسياغ کا اورغ، بوي باءيك، بوليه هارف کا دي. دي بوليه رنده هاتي، فس بوليه جاگ دي ري. تنتو تاءار اوندغ مان ۲ فون هق لارغ تاء بري بوات سرروف تو.
- 24 اورغ مان ۲ هق جايي ميليق المسيح، طبيعة دي دولو تو، سکالي دغن سموا هوا نفسو اتوا اغن ۲ دي فون، دي امبيق کي فاکو دکايو امفت چابغ ده.

- 25 کيت بوليہ دہ هيدوف چارا بارو کوء روح توهن. سابيت تولہ،
کيت کنا بري روح توهن تو کموي کيت، تکه دوق هيدوف لاني.
26 جاغذله کيت بوات سومبوغ اتوا بري براس هاتي مو اکو، اتوا
فون دوق دڱي مو اکو.

باب 6 تڱوڱن برت فون مو کنا کاجڻ تولوغلہ مو اکو

- 1 هي ادیق برادیق کو! کالو سئورڱ دالم فواق مو، تيبا۲
گلينچير ربه دالم دوسا، با۲ک اورڱ هق روح توهن دوق
کموي تو، کي دغن لمه لمبوت، اغکيت دي بري باغون. فس،
جاڱ با۲ک ۲ جوڳ، ديري مو فون، بيمبڱ تاکوت مو گلينچير
ربه سروف دي.
- 2 تڱه دوق تڱوڱ بارڱ برت مان ۲، مو کنا تولوڱ منولوغلہ مو اکو.
بالس تو سوڱ دغن هق المسيح سوروه.
- 3 کران اورڱ هق گامق کات دي اورڱ بسر، فس، سسوڱوڱن دق،
4 اورڱ تو تيفو ديري سنديري. تافي مو کنا فريقساله اوکور کرج
مو سنديري ماسيڱ ۲. کالو موليق دہ ستارا هق مو بوات،
بوليه فواس هاتي. مو تاء کنا اوکور دغن کرج هق اورڱ لائين، کران
5 گنف ۲ اورڱ اد کرج دي، ماسيڱ ۲.
- 6 اورڱ هق تڱه دوق تريما فجاجران چارا حال جالن ربي، دي
کنا بري سڱيان اف ۲ هق دي اد، نق تولوڱ توؤ گورو.
- 7 جاغن مو تيفو ديري مو سنديري! تاء اد سئورڱ هابوق، هق
فندي داليه تاء مڱهادف توهن. کالو اورڱ تانم فاني، فاري جوڳ
هق دي نق بوليہ حاصلن.
- 8 ميسل، کالو دي تانم دبندڱ هوا نفسو دي، کوء هوا نفسو تو
جوڳ، دي نق بوليہ حاصلن، ياءيت نق بناس. تافي کالو دي
تانم دبندڱ روح توهن، کوء روح توهن تو جوڳ، دي نق
بوليه حاصلن، ياءيت هيدوف هق ککل.

9 سَابِيَت تَو، جَاغْدَلَه كِيَت فَوَاس بَوَات كِرَج هَق مَوَلِيق، كِرَان
بِيَلَا سَمَفِي فَرِيَاغ، تَنْتَو كِيَت نَق بُولِيَه كَوْتِيَف حَاصِلَن، اَصْل
كِيَت جَاغْن لَمَه هَاتِي.

10 سَابِيَت نِيلَه، بَاقِي مَان اَر فِلَوَاغ، بَاقِي تَو جَوُگ كِيَت كِنَا بَوَات
بَايَك كَا سَمَوَا مَاءَنَسِي، تَافِي هَق فَنْتِيغ سَكَالِي، كَا اَدِيَق بَرَادِيَق
كِيَت هَق تَوْرَوَت جَالَن فَرچَاي سَرَوَف كِيَت.

فَسَنَن فَوَلُوس هَق سَوَد

11 تِيغَوَقْلَه، بَسَر مَان حُرُوف ۲ نِي، هَق اَكُو تَوَلِيس دَغْن دَغْن تَاغْن
كُو سَنْدِيرِي، نَق بَرِي مَو چَم

12 اَوْرَغ ۲ هَق فَقْسَا نَق بَرِي مَو كِنَا بَرَسَوْنَت تَو، دِي اَغْكِيَت دِيرِي نَق
بَرَكَنْتَوغ فِد تَنْدَا ۲ اَنْتَوَق تَوْبُوَه سَاچ. دِي نَق فَقْسَا مَو بَالَس
تَو، كِرَان دِي تَاكُوت كَات، كَالُو دِي بَرَشْرَح حَال فَرچَاي كَا عِيَسِي
الْمَسِيح مَاتِي دَكَايُو اَمَفَت چَابَغ تَو، فَس هَق تَو سَا سَاچ
جَالَن هَق نَق بَرِي بُولِيَه سَلَامَت، تَنْتَو دِي نَق كِنَا پَان.

13 سَوَغْگُوَه فَوْن اَوْرَغ ۲ تَو بَرَسَوْنَت دَه، تَافِي دِي تَاءُ تَوْرَوَت حَكُوم ۲
دَالَم تَوْرَات دَغْن سَمَفَرَن. دِي نَق فَقْسَا مَو بَرِي بَرَسَوْنَت، كِرَان
بَرَسَوْنَت تَو بَرِي دِي بُولِيَه كِيچِيَق بَسَر، كَات، فَوَاق مَو دَوَق
تَوْرَوَت دِي دَغْن بَوَات اَتُورَان دَتُوْبُوَه مَو. تَافِي بَالِيَق اَكُو فَوَل،
اَكُو تَاءُ سِير اَر سَبَب مَان ۲ بُولِيَه كِيچِيَق بَسَر، مَلِيْنَكْن اَر
سَكَارَا، دَغْن عِيَسِي الْمَسِيح، رَبِّي كِيَت، مَاتِي دَكَايُو اَمَفَت چَابَغ
تَو. كُوْ جَالَن تَو، اَتُورَان ۲ اَتَس دَنِيَا تَاءُ كِنَا گَان دَغْن اَكُو، كِرَان
اَكُو مَاتِي دَه تَرَهَادَف فَركَارَا ۲ دَنِيَا.

15 هَق تَو تَاءُ فَلِيَق، بَرَسَوْنَت اَتُوا دَق فَوْن. هَق مَسْتَحَق، يَاءُ يَت
نَق بُولِيَه هِيْدُوف چَارَا بَارُو دَرَفَد تَوَهْن.

16 اَنْتَوَق اَوْرَغ هَق تَوْرَوَت جَالَن هِيْدُوف تَو، اَكُو مِيْنَتَاءُ تَوَهْن
تَوْرُون سَلَامَت دَغْن كَسِيَاغ بَلَس اَتَس دِي، فَس اَتَس سَمَوَا هَق

جاري ميليق توهن هق سجاتي.

- 17 سور سڪالي هق اڪو فسن ني، جاڳنله اورغ ملن ۲ بوات بوسن
 ڪا اڪولاڳي. سبب اڪو فون اد تندا جوڳ، ڪات اڪو جاري
 همب عيسو المسيح، يائيت هق نمفق فاروت ۲ رتوبوه ڪو.
- 18 هي ٻڌيق براديق، مينتاءه بري رحمة عيسو المسيح، ربي
 ڪيت، روق سڪالي دغن فواق مو سموا. امين.

ايفيسوس

سورت کيريمن هق توهن بري فولوس تولىس
کفد فواق المسيح دكليواسن بندر ايفيسوس

باب 1 فولوس جاني سئورغ هق باوا تيته المسيح

- 1 اكو فولوس، هق باوا تيته عيسى المسيح ايكوت كهندق توهن، تولىس سورت ني کفد اورغ ۲ هق جاني ميليک توهن دكليواسن ايفيسوس، هق فرچاي تگوه کا عيسى المسيح، فس هق دوق سهاتي سپاوا دغن دي.
- 2 اكو مينتاء توهن باف کيت دغن ربتي عيسى المسيح، تورون رحمة اتس فواق مو دغن سلامت سجهترا.

نعمة ۲ هق تورون کا کيت کو جالن المسيح

- 3 اوه فوجيله کا توهن هق جاني باف عيسى المسيح، ربتي کيت. کيت هق دوق سهاتي سپاوا دغن عيسى توله، بوليه تريما ده دتوهن سماو نعمة ۲ هق گنا دغن روح توهن، فس هق سوغ دغن تمفت کواس فنوه.
- 4 بلوم فد دنيا ار لاگي، توهن فيليه ده کيت جاني ميليک دي، دغن سابيت دوق سهاتي سپاوا دغن عيسى المسيح. توجوان توهن، نق بري کيت جاني اورغ هق دوق سوچي انتوق دي، تاءساله ده دنداغن دي.

- 5 توهن فيليه ڪيت ڊولو بالس تو، ڪران ڊي ڪاسيه، فس ڊي ڪرت سين ده ڪات، ڪوٽ عيسى المسيح ڪيت نق جاي انق ۲ ڊي. سموا ني ستوجو دغن ڪهندق ڊي بلاڪ.
- 6 ماريله ڪيت فاڪت فوجي توهن دغن سابيت رحمة ڊي تو، هق فنوه مليمغه، هق ڊي برڪن تورون ڪا ڪيت هق دوق سهاتي سپاوا دغن انق پڻ ساتو هق ڪاسيه سوڱو توهن.
- 7 ڪران دغن سابيت المسيح قربان ده پاوا ڊي، ڪيت هق دوق سهاتي سپاوا دغن ڊي، بوليه تبوس ده، ياءِ ڪيت توهن امفون ده ڪا ڪيت، بري ڪيت بوليه لفس ڊرڊ دوسا ۲ ڪيت.
- 8 اوه بسر سوڱو رحمة توهن، هق ڊي تورون ڪا ڪيت، هيڱ تاءِ ليه نق بنديڱ!
- 9 دغن رحمة تو، توهن بوڪ بري ڪيت بيجق بوليه ارٽي سموا چادغن ڊي، هق ماءِ نسي تاءِ تاهو ڊولو، تافي هق توهن ڪرت سين ده نق بري سمفرن ڪوٽ جالن المسيح.
- 10 ڪوٽ المسيح نيله، بيلا سمفي ماس هق منتو ده ڊولو، توهن چادغ نق فرهيمفون بري جاي ستومفوق سمولا، سموا مخلوق هق اد، دلاڱيت اتوا ڊبومي فون، بري سموا تو دوق باوه ڊاگو المسيح.
- 11 فس دغن ڪران ڪيت دوق سهاتي سپاوا دغن المسيح توله، توهن فيليه فواق اڪو ڊري ڊولو لاڳي، نق بري جاي مليق ڊي. هق ڊي بوات تو بري پات ڪواس ڊي بوليه بري سلسي فرڪارا مان ۲ هق ڊي منتو ڊولو نق بوات.
- 12 توجوان توهن فيليه فواق يهودي اڪو هق دوق هارف ڪا المسيح مولا ۲ تو، ڊي نق بري اورغ بغسا لاءِ ۲ فون فوجي ڪمليان ڊي جوگ. بالس تو جوگ فواق مو فون، بيلا مو دغر خبر هق سبئر تو، خبر پڻ بائڪ هق بوليه باوا ڪي ڪوٽ جالن سلامت، مو فرچاي ده خبر تو. فس روح توهن هق ڊي جنجي ڊولوتو،

بوات تنڊا رالم هاتي، سروف فوڪول چف ده، کات مو جايي
ميليقي توهن .

14 هق روح توهن بوات تو جامين کات، کيت نق بولييه ڪو، رافن،
سموا اف ۲ هق توهن جنجي ده نق بري ڪا کيت. فد ماس تو،
کيت نق بولييه جايي ميليقي توهن دغن سمفرن. دغن ڪران
فرڪارا ۲ ني، سوغ فاتوتله توهن، هق مليا تو، نق بولييه
فوجين .

فولوس مينتا دعا

15-16 سبب نيله، جق ماس اڪو دغر بالس مان فواق مو فرچاي
ڪا ربي عيسي، فس بالس مان مو تنجوق ڪاسيه ڪا سموا اورغ
هق جايي ميليقي توهن، اڪو اوچف تريما ڪاسيه ڪا توهن
دغن تا فوتوس اتس فواق مو. فس ڪدف ۲ ڪالي اڪو برعا
17 انتوق فواق مو، اڪو مينتا دغن توهن، توهن هق ربي
کيت عيسي المسيح مڱاڪو کات بي توهن، بي هق جايي باف
يغ مليا، اڪو مينتا دغن دي نق بري تورو ڪا فواق مو، روح
بي هق نق بري بيچق، بري بولييه ارتي اف ۲ هق توهن بري
نمفق، فس بري مو بولييه ڪهور ۲ ڪل دي .

18 فس اڪو مينتا جوگ نق بري توهن بوک مات هاتي مو، بري
بولييه نمفق چرف هرافن مو هق ڪوڪوه سوغڪوه، هق توهن
لتق، سوروه مو تريما. فس لاگي، نق بري بولييه نمفق کات مو
ڪاي سوغڪوه دغن برکت ۲ هق توهن جنجي ڪا فواق مو، هق
جايي ميليقي دي .

19-20 فس اڪو مينتا توهن نق بري بولييه نمفق چرف کات بسر
سوغڪوه ڪواس توهن، هق دي ڦاڪي انتوق ڪرج رالم ڊيري کيت
هق فرچاي ڪا دي. تنتو ڪواس تو تا اره نق بنديغ .
جايي هق تولا دغن ڪواس هق دي ڦاڪي تڪه المسيح ماتي،

- بري بوليه بڱڪيت هيڊوف ڪليق سمولا تو، فس، بري بوليه
اغڪيت ناءِ ڪ دودوق سبله ڪانن توهن، دتمفت ڪواس فنوه تو.
21 دسيتوله المسيح دوق مرينته اتس ڪواس مان ۲، هق ماءِ نسي
اتوا هق فواق ملائڪه اتوا فون شيطان، ڪواس ۲ هق مات
بوليه نمفق اتوا هق تاءِ ليه نمفق فون، فس توهن بري ڪا
المسيح ني فريڱڪت تيڱي سڪالي فد هق لاءِ ۲ سما، دنيا
اتوا داخيرة فون.
22 فس توهن هنتر ڪا بي، سوروه تعلق سما سگل تو، بري
جاي فلافيق ڪا ڪي بي. ديال هق توهن بري جاي ربّي يڱ
مليا اتس سما سگل تو، انتوق ڪلوارگ توهن.
23 ڪران ڪلوارگ توهن تو بوليه بنديڱ ڪات، جاي سروف توبوه،
هق ربّي سنڊيري جاي ڪفلا. ڪلوارگ توهن تو جاي تمفت
دودوق توهن هق سمفرن ده، فس ديال هق نق بري سمفرن
سما تو.

ماري دتمفت ماتي ڪي ڪاتمفت هيڊوف

باب 2

- 1 تڪه ڊولو فواق مو دوق تاءِ ڪابر چارا حال توهن، سروف
دغن اورغ هق ماتي ده، سبب هاتي مو دوق جاهت سوڪ نق
بوات دوسا.
2 فد ماس تو، فواق مو دوق توروت طبيعة جاهت توجو ڪا دنيا
ني ساج. مو دوق باوه فرينته هييليس، ڪفلا ڪواس ۲ جاهت
هق مات تاءِ نمفق. ڪواس تو هق ماس لاني دوق تاريخ هاتي
سما اورغ هق تاءِ طاعة ڪا توهن.
3 سسوڱوهن، ڊولو ڪيت سما، فواق اڪوفون، دوق سروف فواق
تو جوگ، دغن توروت هوا نفسو ڪيت سنڊيري. اف ۲ هق
فيڪيران ڪيت دغن توبوه ڪيت نق، ڪيت توروت ڪو تو. فس
سابيت تو، ڪيت فون دوق باوه مرڪ توهن سروف ماءِ نسي سما.

- 4 تافي توهن ڪاي دغن ڪسياغ بلس، فس، دغن سابيت دي
- 5 هابيس ۲ ڪاسيه ڪاڪيت تو، ولوڪيت دوق سروف اورغ ماتي
- دافن توهن، ڪران دوق بوات دوسا لاکي فون، تافي توهن
- بري ڪيت هيڊوف سمولا، سڪالي دغن المسيح. تنتو دغن رحمة
- توهن ني ساج له، ڪيت بوليه سلامت ده!
- 6 فس، دغن سابيت ڪيت دوق سهاتي سپاوا دغن عيسي المسيح،
- توهن اغڪيت ڪيت ناءِ ڪا ڪريغڪت تيغڪي، بري دودوق سڪالي
- دغن دي دتمفت ڪواس فنوه تو.
- 7 توجوان توهن بوات لاگو ني، نق بري نمفق ڪا سموا مائيسي،
- لفس سلافيس ۲، ڪات، بسر سوغڪوه رحمة هق توهن تورون ڪا
- ڪيت، دغن تنجوق ڪاسيه ڪا ڪيت هق دوق سهاتي سپاوا دغن
- عيسي المسيح تو.
- 8 ڪران دغن رحمة توهن ساج له، فواق مو بوليه سلامت ده ڪو
- جالن فرچاي ڪا المسيح، بوڪن هق مو بوات اف ۲، نق. جاري
- هق توهن تورون بلاڪ.
- 9 تاءِ سبب سيڪيت هابوق هق بوليه بري ڪيت اغڪيت ڊيري،
- ڪران هق توهن تورون تو، بوڪن حاصل هق بوليه دالم عملن
- ڪيت. ڪران توهنله هق بري ڪيت هيڊوف چارا بارو ڪو عيسي
- 10 المسيح، انتوق بري ڪيت بوليه بوات ڪرج جالن باءِ ڪ، هق
- توهن چادغ دولو، نق سوروه ڪيت بوات توروت.

جاني ساتو دغن ڪران عيسي المسيح

- 11 فواق مو برانق جاني انق ۲ بفسا لائين فد اورغ ۲ بفسا
- يهوي. فواق يهوي تو اغڪيت ڊيري ڪات: ڪيت برسونت ده،
- دوق سوچي انتوق توهن! دي ڪات بلس تو، سابيت روڪون
- هق دي بوات دتوبوه دي. فس دي هيئا ڪا فواق مو، ڪلر
- ڪات: فواق هق تاءِ برسونت! موليقله مو ايغت، بلس مان

- 12 مو دودوق ماس دولو، تکه مو تاء کتل دغن توهن تو.
 فد ماس تو، مو دوق جاءوه فد المسيح، تاء کتل ري لاگي. مو
 جاري اورغ بغسا لائن، هق تاء ار فلواغ بوليه سگيان دالم
 فواق يهوي، هق توهن فيليه کات جاري ميليق ري.
 فرهوبوغن توهن دغن مائسي تکه تو، برگنتوغ فد فرجنجيل
 توهن کا فواق يهوي تو، بوکن کا فواق مو. تکه تو جو،
 فواق مو دوق ددنيا سروف تاء ار هرافن کوء دافن، فس
 ايغت کات توهن تاء ار.
- 13 تافي لاني، سابيت مو دوق سهاتي سپاوا دغن المسيح، فوق
 مو هق دوق سغگج جاءوه دولو، لاني ماري دوق رافت ده کن
 عيسی قربان پاوا ري تو.
- 14 جاري المسيح سنديريله هق باوا اورغ بغسا يهوي دغن اورغ
 بغسا لائن ۲، ماري دوق بائيك مو اگو، جاري ساتو فواق.
 دينديغ هق دوق سکت، تاءليه کي ماري دوا فواق تو، المسيح
 ماري بري تراليق ده. اف ۲ هق بري جاري سترو دوا فواق
 تو، المسيح بري رونتوه، دغن امبيق هندس کا توبوه ري
 سنديري.
- 15 ري بري ليسوس اتوران دالم تورات، سکالي دغن حکوم ۲ هق
 اورغ يهوي تمبه سنديري بري برت تو. توجوان المسيح، هق
 جاري دوا بغسا دولو تو، نق بري جاري ساتو بغسا هق بارو
 کران کدوا تو دوق سهاتي سپاوا دغن ري. بالس توله المسيح
 بوک جالن نق بري دوا فواق دولو تو، بائيك مو اگو.
- 16 فس دغن سره پاوا ري دکايو امفت چابغ تو، المسيح بري
 دوا بغسا تو جاري ساتو هاتي ساو توبوه، بوليه بائيك دغن
 توهن. بالس تو، ري بري هابيس هق دولو دوق سترو تو.
- 17 سابيت توله، المسيح ماري رويت خبر هق بري بوليه جاري
 بائيك تو، کفد فواق مو هق دولو دوق سغگج جاءوه دغن

- 18 توهن ، سڪالي دغن فواق اڪو اورغ يهوي، هق دوق رافت دغن توهن . کران کوء جالن المسيح نیله، کیت سما، اورغ بغسا لاین اتوا اورغ يهوي فون، ار جالن بولیه مهادف توهن باف، کوء روح دي یغ سا تو.
- 19 سابیت تو، فواق مو هق بغسا لاین، بوکن سروف انق لوار نگري، هق تاءار سیکیت هابوق سکیان، سروف دولو، دق ! لانی مو جانی رعیت ۲ نگري توهن، سروف سما هق جانی میلیق توهن . مو ماسوق ده جانی قوم کلوارگ توهن .
- 20 فس کالو بندیغ دغن رومه، فواق مو جانی سروف بات ۲ هق ماری سوسون اتس فلافیق هق ار دولو تو، یاءیت اورغ ۲ هق باوا تیتہ المسيح، سڪالي دغن اورغ ۲ هق توهن بري میمفي فرمان توهن . فس عیسی المسيح سندیري دوق سروف دغن باتو هق مستحق سڪالي.
- 21 کران دیاله هق فلکت سما بات ۲ دالم رومه، انتوق نق بوات تمفت هق سوغ انتوق سمبه کا توهن، تمفت هق سوچی انتوق ربی.
- 22 فس کران مو دوق سهاتي سپاوا دغن المسيح، فواق مو فون یی بري فلکت دغن اورغ ۲ لاین جوگ، نق جانی تمفت توهن دودوق کوء روح یی .

کرج فولوس انتوق اورغ ۲ بغسا لاین

باب 3

- 1 سابیت نق بري فواق مو جانی میلیق المسيح بالس تو، اڪو فولوس کنا ایکت . فس سابیت تو جوگ، اڪو بریعا انتوق فواق مو. تنتو مو بیاس دغر ده، بوکن، کات توهن توروں ده رحمة یی کا اڪو، بري اڪو جانی اورغ کرج تفکوغ جواب انتوق فواق مو جوگ.
- 3 توهن بوک ده رهسیا دی هق ماءنسی تاء تاهو دولوتو، بري

- 4 اڪو بوليہ نمفق دغن ارتي، سروف هق اڪو توليس ده داتس دغن ريڻڪس. بيلا مو باچ اف ۲ هق اڪو توليس، مونق بوليہ فہم بالس مان اڪو نمفق دغن ارتي، رھسيا چارا حال المسيح، هق توهن تاء بؤك كا توء نينيق كو هق دولو ۲ تو.
- 5 تافي لاني دي بري نمفق ده، كوء روح دي، كغد اورغ ۲ هق باوا تيته المسيح، سڪالي دغن فواق هق توهن بري ميمفي فرمان توهن.
- 6 فس رھسيا تو، ياء يت كوء جالن خبر يڻ باءيك، اورغ ۲ بھسا لائن بوليہ سڳيان دالم نعمة ۲ توهن، سروف اورغ يھودي. دي ار جوگ سڳيان جاي اغكوت ۲ دالم ساتو توبوه. فس لائي دي بوليہ سڳيان دالم فرکارا ۲ هق توهن جنجي، هق تتف ده كوء جالن عيسى المسيح.
- 7 توهن تورون ساتو نعمة كا اڪو، بري اڪو فاکي کواس دي بوليہ هنتر خبر يڻ باءيك تو.
- 8 ولو اڪو رنده سڪالي دالم سموا اورغ هق توهن فيليہ جاي ميليق دي فون، تافي توهن تورون جوگ كا اڪو نعمة دي، بري اڪو ميمفي كا اورغ ۲ بھسا لائن خبر کات، کاي سوغکوه کيت هق دوق سھاتي سپاوا دغن المسيح، تاء اره نق بنديغ کاي تو.
- 9 فس دي بري اڪو بؤك كا ماء نسي بوليہ نمفق چرف، رھسيا دي تو، هق دي چارغ دولو نق بؤك. لافيس ۲ دولو، رھسيا تو دوق تاروه دالم فيکيران توهن، دي هق بري جاي سموا سڳل. سبب اف دوق تاروه بالس تو؟
- 10 سبب دي تاروه كا ماس لاني، نق بري کلوارگ توهن بؤك رھسيا تو كا کواس مان ۲ هق دوق دتمفت کواس فنوه تو، بري بوليہ ارتي بايق مان تافن ۲ بيچقسان هق توهن.
- 11 بالس توله جاي کھندق توهن دي دولو ۲ لائي، فس لاني،

- سمفي ماس هق جاي ده، دغن عيسى المسيح، ربي کيت.
 12 دغن کران کيت دوق سهاتي سپاوا دغن المسيح تو، فس دغن
 سابيت کيت فرچاي کا دي، کيت براني ماسوق مښادف توهن
 دغن يقين کات، تنتوي نق تريما.
 13 سابيت توله، جاغن فواق مو بيمبغ سابيت اکو کنا سوسه
 انتوق مو ني. جاي بالس تو سابيت نق بري فواق مو بوليه
 جاس.

ستارا هق عيسى کاسيه کا کيت

- 14 جاي سبب سموا نيله اکوماري نق سجور نق بردها کا
 15 توهن باف. دپاله جاي چنتوه باف هق موليق سکالي کا سموا
 کلوارگ ددنيا اتوا دشرگ فون.
 16 اکو مينتاء دعا دغن توهن، دي هق کاي دغن کواس تاءليه نق
 بنديغ، مينتاء دي توروون اتس فواق مو، کواس هق کاي تو،
 کوء جالن روح دي، بري مو قواة دالم ديري مو.
 17 فس اکو مينتاء جوگ نق بري المسيح دوق تتف دالم هاتي مو،
 کران مو فرچاي کا دي. اکو بردها نق بري فواق مو دوق لکت
 دالم کاسيه، سروف فوهون هق توبيت اکر بايق، دوق تتف،
 اتوا سروف رومه هق دوق کجت اتس فلافيق هق کوکوه.
 18 بالس توله، فواق مو سکالي دغن سموا اورغ هق جاي ميليق
 توهن، نق بوليه ارتي، بسر ستارا مان المسيح کاسيه کا
 کيت، لواس هابيس لواس، فنجغ هابيس فنجغ، تيغکي هابيس
 تيغکي، دالم هابيس دالم، کاسيه هق دي تو.
 19 فس ولو کيت تاءليه راس هابيس، کاسيه المسيح فون، تافي
 اکو نق بري مو کهور فهم کهور بوليه راس کاسيه تو، انتوق
 نق بري فواق مو فنوه منيتير سمفي ستارا هق توهن سنديري
 دوق فنوه دغن کاسيه تو.

- 20 توهن دغن کواس يي دالم هاتي کيت ، مهير بوات کرج يي لبيه بايق فد هق کيت مينتا ، اتوا هق کيت دوق کيرافون .
- 21 سوغ فاتوتله يي بوليه فوجين دسموا هق جادي کلوارگ توهن هق دوق سهاتي سپاوا دغن عيسو المسيح تو . بواتله جق ماس لانې ، هيڅگ سمفي سلام ۲ . امين .

کنا جلې ساتو توبوه

باب 4

- 1 سابيت دغن کاسيه توهن تو ، اکو ني هق کنا ايکت کران کرج کا رېتي ، نق فسن فواق مو جوگ ۲ ، بري توروت جالن هق سوغ دغن هق توهن تنجوق ، تکه يي فڅگيل مو سوروه توروت يي دولو تو ، ياييت کنا رنده هاتي ، جادي اورغ هق هاتي لمه لمبوت ، کنا صبر دغن اورغ . فس تنجوقله کات مو کاسيه کا اورغ هق مو کنا صبر تو دالم مو اکو .
- 3 کاچغ فيراله موليق ۲ ، اف ۲ هق بري جاني ساتو هاتي . هق ني بوليه دروح توهن ، هق بري کيت دوق سنغ ليندغ مواکو ، يي هق جادي سروف تالي مغيکت بري کيت دوق سبکس .
- 4 کران توبوه ار سا ساج ، روح فون سا جوگ . فس ، هق مو دوق هارف ، کران توهن فڅگيل مو توروت يي فون ، سا تو جوگ .
- 5 رېتي کيت سا ، ايمان هق کيت فرچاي سا جوگ . روکون مندي ، تندا کات کيت فرچاي تو فون ، سا جوگ .
- 6 توهن ار سا ساج ، فس يي جاني باف کيت سموا . ديال ه هق دوق مريته اتس کيت سموا تو ، دوق کرج دالم کيت سموا تو ، فس يي دوق ار دالم کيت سموا جوگ .
- 7 ولو بالس تو فون ، تافي کيت سموا ني تريما ده نعمة ۲ ماسيغ ۲
- 8 هق مان المسيح هديه ، ايکوت يي بري . سروف ار ايات دالم کتاب کات :

تکه دي ناءِڪ کليق کا تمفت تيڱي تو،
 بي باوا ڪواس ۲ هق هاله کا بي، سوروه تورو
 بلاڱ دي. فس بي هديه تورو نعمة ۲
 کا اورغ ۲ هق جاري ميلي بي.

- 9 اف مقصور: دي ناءِڪ کليق سا ٺي تو؟ مقصودن، مولا ۲ دي تورو کا دنيا دولو.
- 10 دي هق تورو تو، هق تولا دغن دي هق ناءِڪ کليق سود کا لاڱيت، انتوق نق بري سما عالم ني کنا مڱاڪو کات، تاءِار تمفت مان ۲ هق ڪواس بي تاءِ سمفرن.
- 11 ديهاله هق هديه نعمة ۲ کا کيت ماسيغ ۲. ار هق دي سوروه باوا تيته المسيح کي، ار فول هق بي بري ميمفي فرمان توهن. فس ار جوگ هق دي بري بوليه باوا خبريغ باءِڪ کا اورغ انتوق سلامت. ار جوگ هق دي بري جاگ فواق المسيح، فس هق بوليه مڱاجر فواق تو کاتيغ.
- 12 توجوان دي، نق چارغ بري سما اورغ هق جاري ميلي توهن بوليه ڪرج کا بي، انتوق بري ڪهور ڪس توبوه المسيح يائيت ڪلوارگ توهن.
- 13 بالس نيله کيت سما فاکت ماري جاي سڀاتي دالم هق کيت فرچاي، سکالي دغن هق کيت تاهو حال انق توهن تو، سهيڱ کيت هق جاي توبوه المسيح ني، نق چوڪوف ماسق، اورغ هق سمفرن، سروف المسيح سنديري سمفرن ده.
- 14 کالو بالس تو، کيت تاءِ جاي سروف بوق ۲ ڪچيک هق دوق هاپوت ڪو ٽو ڪو ٽي، ايڪوت فثاجران هق دي دغر، هق اورغ فندي منيفو ماري اجر، نق بري دي سست دغن جالن تيفو داي تو.
- 15 تافي تاءِ کنا بالس تو. کيت کنا دوق فڱ ڪجت کا هق بنر،

دغن هاتي کاسيه کا اورغ. بالسن توله کيت نق جايي کهور ۲
 چوکوف ماسق هيغک سمفرن ده، سروف المسيح کفلا کيت تو.
 16 بي هق جايي کفلا تو، ديال هق بري سماوا اغکوت توبوه دوق
 لکت رافت موليق. فس سندي هق سکاتم ۲ فول، ماري ټفکوف
 جايي ساتو توبوه. بالسن نيلاه، بيلا اغکوت ماسيغ ۲ بوات کرج
 بي تو دغن موليق، سماوا توبوه بوليه کهور ۲ گاگه. دغن کران
 کاسيه.

طبعية هق بارو

- 17 کران اکو باوا تيته ربي، اکو فسن جوگ ۲ نق بري امران
 کافواق مو، جاغن توروت فول جالن هق بغسا مو هق تاء کتل
 توهن، بياس توروت. جالن تو تاء ترفاکي.
- 18 اورغ هق توروت جالن تو، هاتي دي گلف ده. دي تاء ار
 سگيان دالم هيديوف هق توهن بري، سبب دي جاهيل، کرس
 19 کيغ. فراسان مالو هابيس ده. بي سره ديري دي، کي بوات
 ايکوت هق مان نفسو دي سوروه، دوق فيسه چاري جالن نق
 بوات سماوا فرکارا هق تاء سوغ فاتوت بوات.
- 20 تنتو هق فواق مو بلاجر انتوق نق کتل المسيح، بوکن کو
 21 جالن تو. مو دغر ده تنتغ دي بوکن؟ فس کران مو دوق
 سهاتي دغن دي، مو بلاجر ده هق بنر، هق کيت بوليه
 نمفق ديسي بلاک.
- 22 سابيت توله مو کنا تيغکل طبعية مو هق سديا، هق مو
 بياس توروت دولو. توروت جالن تو، نفسو ۲ مو تيفو مو کات
 موليق، تافي سسوگوهش بري مو توجو نق فونه.
- 23 هاتي مو دغن فيکبران مو، موليقله بري بارو، ساليين هابيس بلاک.
- 24 مو کنا امبيق فاكي طبعية هق بارو، هق توهن بري جايي
 سروف طبعية دي سنديري. طبعية مو هق بارو تو، نق بري

پات کا اورغ دغن توروت هق بتول، فس دغن دوق سوچي
انتوق توهن.

کيچيفن هق توهن برکنن

- 25 جاغن بوهوږ لاڳيله! موليږ ګنف ۲ اورغ دالم فواق کيت
کيچيږ بتول مو اکو، کران کيت سموا جايي اغکوت بلاک دالم
توبوه المسيح.
- 26 کالو مو موريه کا اورغ، هق اد موريه دالم هاتي مو لاڳي تو،
جاغلله بري جايي دوسا. مو تاء کنا لق سمفي ايسوق،
27 تاکوت هيليس ماري نق امبيږ تمفت!
- 28 اورغ هق بياس کريت بارغ اورغ، تنتو کنا برادو هق فيشين
کريت تو. موليږ بي کي چاري نفقه هق حلال انتوق ديري
سنديري، فس انتوق نق بوليّه تولوغ اورغ مسکين جوڳ.
29 دالم کيچيفن مو فول، جاغلله توبيت هق فديه ۲. تافي فاکيله
فرکتان هق اد فائده بوليّه بوات تولوغ اورغ، تمبه سماغث ري
بري قواۃ لاڳي. بالس تو، مو نق جايي جالن هق توهن بوليّه
تورون رحمة ري کا اورغ هق دوق دغر تو.
- 30 جاغلله بري روح سوچي دوق سديه هاتي، کران مو تاء سير
بوات بالس تو. سبب توهن بري روح ري تو، جايي تندا
دالم هاتي کات، مو جايي ميليږ ري، بوليّه جامين کات،
هاري کوۋ دافن توهن نق بري مو سلامت دغن سمفرن.
- 31 بواغله سموا هق بري هاتي مو فاهيت، دوق پارا سممور تو،
هق بري مو کلوار جايي موريه، هق بري مو کيچيږ درس جايي
پاله، هق بري مو مغوفت کا اورغ، اتوا فون مان ۲ هق توبيت
دالم فراسان بنجي.
- 32 بق موليږ لاڳي، امبيږ فاکيله بوي بهاس دالم فواق مو دغن
کسياغ بلس مو اکو. توهن امفون ده دوسا ۲ مو دغن سابيت

المسيح . سرورف تو جوگ ، فواق مو فون كنا معاف مو اكو .

جاگاله هق مان مو دغر

باب 5

- 1 فواق مو جاني انق ۲ توهن هق بي كاسيه سوغكوه .
- 2 سابيت توله ، موليق مو تيرو چنتوه بي . تنجوقله كاسيه مو اكو دالم فواق مو ، بري سمفي ستارا كاسيه هق المسيح تنجوق كا كيت . ايغتهله ، بي كاسيه هيغك سمفي بي سره ده پاوا دي انتوق كيت . هق تو ، قربان هق توهن تريماره كات موليق . كالو بنديغ ، بوليه كات سرورف كمين هق امام باكر نق سمبه كا توهن ، هق اسف بي سمفي كا توهن .
- 3 توهن فيليه فواق مو جاني ميليق دي ده . سابيت توله ، تاء سوغ فاتوت مو دوق دغر فون ، تكه اورغ كيچيق چارا حال اورغ بوات چافوغ ، هق مان اورغ بوات تاء سدف كلييه ، اتوا فون هق مان بري نق ۲ كا هق جاني ميليق اورغ .
- 4 تاء سوغ فاتوت جوگ مو سنديري فاكي كيچيفن چافوغ ، كاروت ، اتوا كيچيق كيلا مولوت . دق ! هق موليقن ، اوچف تريماره كاسيه كا توهن .
- 5 مو كنا ايغت كات ، اورغ هق بوات چافوغ ، هق بوات تاء سدف كلييه ، اتوا دوق ايغين نق ۲ كا هق جاني ميليق اورغ ، فواق تو تاء ار سئورغ هابوق بوليه تريماره تمفت دوق باوه فرينته توهن دغن المسيح . كران هق ايغين نق ۲ تو ، جاني سرورف بوات بارغ گنتي برهالا ، هق اورغ سمبه گنتي توهن .
- 6 جاغنه فواق مو بري اورغ ماري تيفو مو ، دغن فاكي كيچيفن همفا . اورغ مان ۲ هق تبیغ بوات فرکارا ۲ هق اكو سبوت ساءني تو ، تنتو توهن نق تيمفا مرک اتس دي .
- 7 سبب توله جاغن فواق مو دوق چمفور گاول دغن اورغ لاگو تو .

مو ماسوق ده دالم چره

- 8 فواق مو سندیري دولو، بیاس دوق دالم گلف سروف اورغ۲
 سائني تو. تافي لاني مو دوق دالم چره ده، سبب مو دوق
 سهاتي سپاوا دغن ربي. اف۲ هق مو بوات، بري نمفقله
 کات مو ماسوق ده دالم چره.
- 9 کران چهيا هق سولوه توله، بري کيت بوليه توبيت حاصلن
 بسر، ياءيت هق مان باءیک، هق مان جوجور، دغن هق مان
 سوغکوه.
- 10 فس چوب کاجغ بلاجرله هق مان بري ربي برکن.
- 11 جاغن مو ماسوق چمفور دغن فرکارا۲ تاء ترفاکي، هق ماري دالم
 گلف تو. دق، مولیق لاگي مو سولوه بري نمفق کات، ستارا
 مان گلف فرکارا۲ تو.
- 12 کران نق سبوت فون مالو، فرکارا۲ هق اورغ بوات دغن سولیت
- 13 تو. تافي بیلا سموا تو دوق لئکه دالم چره ده، باروله
 بوليه نمفق فراغي هق دي بوات تو دغن سبئر. کران اف۲
 هق دوق دالم چره، چرف ده، تاء ليه دوق لیندوغ لاگي.
- 14 سابیت تو ار ایات هق کات:
 باغونله فواق مو هق دوق تیدور!
 بغکیتله مو هق دوق سروف اورغ ماتي!
 فس المسيح بق سولوه چهيا اتس مو بري چره.
- 15 فیقست باءیک۲ له بالس مان مو دوق هیدوف. مو کنا هیدوف
 سروف اورغ هق بیجق فندي، جاغن بوات سروف اورغ هق
 تاء فندي گامق.
- 16 جاغن بري روگي ساج فلواغ هق توهن بري کفد مو، کران
 ماس لاني، بايق هق جاهت.
- 17 سابیت توله، جاغن مو بودوه، تافي چاري بري ارتي هق مان

توهن سوروه مو بوات .

بري ڊيري مو فنوه دغن روح توهن

- 18 جاغن ماکن هيٺگ سمفي مابوق اير جابيت ماسم ، نق
بري ڊيري مو فونه ساج . لبيه موليٰق لاڳي ، تريما بري ڊيري مو
فنوه دغن روح توهن سممور .
- 19 بالس تو ، تکه فواق مو ماري برهيمفون رامي ۲ ، موليٰقله فاکت
برديکير ايات ۲ دالم کتاب پاپي لاڳو ۲ نق فوجي کا رٻي
دغن سبولت ۲ هاتي .
- 20 اوچف تريما کاسيهله سممور کا توهن باف ، سموا فرکارا اف ۲
هق جاني تو ، اتس نام رٻي کيت ، عيسيٰ المسيح .

عادة اورغ لاڳي بيني

- 21 فواق مو سموا دوق حرمة کا المسيح . سابيت تو ، تندوقله
مو اکو دالم فواق مو .
- 22 اورغ هق جاني بيني ، تندوق حرمتله کا توء لاڳي مو سروف
مو تندوق حرمة کا رٻي .
- 23 کران اورغ هق جاني توء لاڳي جاني کفلا اتس بيني بي سروف
المسيح جاني کفلا اتس کلوارگ توهن . کلوارگ توهن تو
سروف توبوه ، هق المسيح سٽڊيري جاني کفلا . فس دياه
بري سلامت کا کلوارگ توهن تو .
- 24 بالس مان کلوارگ توهن دوق تندوق حرمة کا رٻي ، بالس تو
جوگ اورغ هق جاني بيني کنا تندوق حرمة کا توء لاڳي دي ،
اتس سموا فرکارا .
- 25 فس اورغ هق جاني لاڳي فول ، کاسيهله کا بيني مو ، ستارا
مان المسيح تنجوق کاسيه دغن جوغ سره پاوا انتوق کلوارگ
توهن تو .

- 26 سابتيت المسيح بوات بالس تو، دي نق بري كلوارگ توهن سوچي انتوق توهن، دغن بري كلوارگ توهن تو تريما فرکتان توهن سکالي دغن تريما روکون مندي.
- 27 توجوان المسيح، نق بري كلوارگ توهن چوکوف سمفرن ده بوليہ مفہادف دي دغن تاءار چاچت تاءار چدرا، سوچي ده انتوق دي.
- 28 اورغ هق جاني لاکي فول، کنا کاسيه کا بيني دي، سروف دي کاسيه کا توبوه دي سنديري. سسوڱوھڻ، اورغ هق کاسيه کا بيني دي، تاءالائين فد کاسيه کا ڊيري دي ده.
- 29 تاءار سئورغ هابوق هق بنچي کا توبوه دي، سسوڱوھڻ، دي فيرا بلا توبوه دي تو. سروف تو جوگ المسيح فيرا بلا کيت هق جاني كلوارگ توهن.
- 30 کران کيت جادي سروف اغکوت ۲ دالم توبوه المسيح ده.
- 31 سروف ار ايات دالم کتاب کات:

سابتيت نيله، اورغ جنتن کنا تيڱل ايبو باف دي،
کي دوق سکمفوه دغن بيني دي.
فس روا اورغ تو نق جاني سروف ساتو اورغ.

- 32 ايات سائي بري پات حال لاکي بيني، تافي اکو فولوس ارتي کات مقصود دي بسر لاکي، ماسوق دغن المسيح جاني ساتو دغن کلوارگ توهن تو.
- 33 تافي کنا مڱنا جوگ دغن فواق مو. لاکي کنا کاسيه کا بيني، سروف کاسيه کا ڊيري دي سنديري. فس بيني فول، کنا حرمة کا تو لاکي دي.

انق ۲ دغن ايبو باف

باب 6

1 فواق مو هق جاني انق فون، کنا توروٲ سما فرينته

اييو باف مو، کران مو دوق سهاتي سپاوا دغن ربي. فرکارا ني واجب کا بوات.

2 دالم سفولوه حکوم تو، هق کات:

حرمتله کا اييو باف مو،

3 هق ني حکوم هق فرتام هق توهن تمبه جادي فرجنجين. فرجنجين سا ني توکات:

مو بوات بالس تو، مو نق ماجو، فس توهن نق بري لنجوت عمور مو دالم دنيا.

4 تافي فواق مو هق جاي اييو باف فول، جاغن مو دوق مغيقيق کا انق ۲ مو سهيڻک دي نائيک موريه. موليق لاگي فيرا ريديق دي کوء جالن هق سوغ دغن جالن ربي.

همب ۲ دغن توان دي

5 فواق مو هق جاي همب اورغ فون، کا بوات توروت هق توان مو سوروه، دغن تاکوت کتر کنا ليغ، دغن هاتي سجالن ساج، فس بوات سما تو سروف دوق بوات کا المسيح.

6 فس جاغن مو بوات موليق تکه توان دوق ار ساج، نق بري دي برکنن کغد مو، تافي بلاکغ توان مو بوات هودوه، دق! موليق لاگي مو بوات سروف همب ۲ المسيح، هق توروت کهندق توهن دغن سبولت ۲ هاتي.

7 بواتله کرج مو تو دغن سوک هاتي، هق سوغ فاتوت دغن بوات کرج انتوق ربي، بوکن انتوق مائي سي ساج.

8 کران ايغتله، ربي نق بري بالسن کا اورغ ايکوت هق مان دي بوات بائيک، بلرله دي جاي همب اورغ اتوا توان فون.

9 فس فواق مو هق جاي توان اورغ کرج فول، کا بوات سروف

همب ۲ المسيح جوگ. تاهنله مولوت مو، جاغن دوق مڃهوروه
 كا كولپ مو تو. ڪران ايڃتله ڪات، همب مو تو سروف دڃن مو
 سندرپري، سام ۲ اد توان دشرك. توان نپ جاني حاڪم هق
 عاريل، هق تيفوق سروف سموا.

فرڪاڪس ۲ فرغ هق توهن بري

- 10 فس هق سور هق اڪو نق رويت، برديريله بري قواة ۲.
 ايڃت ڪات مو دوق سهاتي سپاوا دڃن ربي عيسي، فس سابيت
 تو، مو بوليه امبيق فاكي ڪواس بسر هق ري.
- 11 بوبوه فاڪيله فرڪاڪس ۲ فرغ هق توهن بري اد چوكوف ڪنف
 انتوق بوليه برلاون، تڪه هيبلپس ماري نق تيفو مو.
- 12 سبب بوڪن دڃن ماء نسي هق ڪيت دوق لاون، تافي دڃن ڪواس ۲
 جاهت مان ۲ هق دوق مرينته دالم فرياغ ڪلف ني، دنيا
 اتوا رتمفت اد ڪواس فنوه تو فون.
- 13 سابيت توله، لاني فاڪيله فرڪاڪس ۲ فرغ هق توهن بري
 چوكوف ڪنف تو، فس بپلا هاري هق جاهت سمفي ماري ده، مو
 نق بوليه برلاون سمفي سور، فس نق بوليه دوق برديرپ لائي،
 اڃڪيت بنديرا.
- 14 سابيت تو، برديرپ لاونله ! امبيق فعاچران سبئر هق توهن
 بري، بوات تالي فيڃڪن مو، فس فاڪيله فراڃي جوجور، بوات
 سروف باجو بسي هق تيڪم تاء ماسوق.
- 15 فس امبيقله خبر پڃ باءيڪ، هق ڪات اد جالن ماء نسي ڪيت
 بوليه باءيڪ دڃن توهن تو، بوات جاني ڪاسوت هق تافق
 ڪجت، تاء ليچين.
- 16 فس امبيق فاكي جوگ، هق مو دوق هارف ڪا توهن تو، بوات
 جاني فنڊپس هق مو ڪنا تپپيڃ سمور. بالس تو بوليه بري
 فدم انق فانه افي هق دوق مپالا، هق هيبلپس فانه ماري

ڪو، مو.

17 تريماله سلامت هق توهن بري، بوات جاي توفې بستي.
فس امبيق فاکي ايات ۲ هق روح توهن بري کفد مو، بوات
سروف فدغ.

18 فس بواتله سموا فرکارا ساءني دغن برعا، تاءکيرا فرياغ مان
فون، ايکوت جالن هق روح توهن فيمفين. دغن سابيت تو
مو کنا جاگ ڊيري بري کابر، نق بوليہ تبیغ مينتاء دعا انتوق
19 سموا اورغ هق جاي ميلي توهن. فس انتوق اکو کاتيقي،
مينتاء بري اکو فلواغ کيچيقي دغن براني، انتوق بوک بري
اورغ ارتي رهسيا خبر يغ بائیک تو.

20 ولو اکو دوق دالم چيل لاني فون، المسيح بري اکو باوا
تيته دي ميمفي خبر يغ بائیک تو. تولوغ مينتاء دعاه انتوق
اکو، بري براني رويت خبر تو، هق سوغ کنا بوات.

فولوس کيريم سلام

21 تيکيکوس، اديق هق اکو کاسيه سوغگو، هق کرج کا ربي
دغن اخلاص هاتي، نق رويت کا فواق مو خبر اکو بالس
مان لاني.

22 جاي سبب توله اکو سوروه دي کي کا تمفت مو، بري فواق مو
بوليه تاهو خبر فواق اکو دسيني، فس انتوق نق بري سماغث
کا فواق مو کاتيقي.

23 اکو مينتاء توهن باف دغن ربي عسي المسيح، تورون سلامت
سجهترا اتس سموا اديق براديقي باليقي مو، بري مو فکغ ايمان
کهور قوا، دغن کاسيه.

24 فس مينتاله بري توهن تورون رحمة دي اتس اورغ مان ۲ هق
دوق کاسيه کا ربي کيت عسي المسيح دغن کاسيه تاء فوتوس.